

# 傳劉愷威與新歡因小糯米鬧交

# 劉丹否認：

# 孫女未見過李曉峰

◆滕麗名(右)與呂慧儀大讚炎明熹表現淡定及醒目。



◆丹爺笑指孫女小糯米經常要嬲嬲買禮物。

香港文匯報訊(記者 梁靜儀)劉丹(丹爺)、滕麗名、呂慧儀、林淑敏、許家傑及鄭世豪等,昨日出席《愛·回家之開心速遞》之「齊過冬至迎聖誕」宣傳活動,眾人又即場食湯丸應節。近日盛傳丹爺兒子劉愷威與新歡李曉峰因為「小糯米」而鬧交,丹爺笑稱孫女小糯米根本未見過李曉峰,直接否認傳聞。

丹爺表示要拍外景至晚上7時才能回家食冬至飯:「我同家人講住,大人等到就等,小朋友肚餓就食咗先,留碗湯丸畀我就得,因為要團團圓圓、甜甜蜜蜜,阿仔劉愷威唔嚟香港,農曆新年前返嚟。」聖誕節將至,丹爺被問到可有買禮物給孫女小糯米?他說:「佢要求嬲嬲買禮物,嬲嬲買咗好多野畀佢,我聖誕日日都要開工,都係交畀嬲嬲搞,最重要嬲嬲身上又有(信用卡)。」

談到近日盛傳劉愷威與女李曉峰因為「小糯米」而鬧交?丹爺覺得傳聞很好笑,並說:「點會,因為小糯米未見過過佢(李曉峰)。」說到有傳劉愷威同前妻楊冪有離婚協議,誰先再婚,女兒撫養權就歸回另一方,劉愷威因而不想再婚,令女友不滿?丹爺稱沒可能:「右可能有咁嘅協議。(唔會俾人搶走孫女?)其他就唔方便講,我唔講大話,我全家都係信佛,信佛唔可以做傷天害理嘅事,講大話都唔得係犯罪,嬲人都唔得。」他又稱對傳聞一笑置之。

## 「熊家」齊讚炎明熹表現

另外,炎明熹(Gigi)近日客串《愛》劇,丹爺透露Gigi暫時只客串一集,對初次合作的Gigi,他讚不絕口:「我欣賞呢個小朋友人靚,唱歌好,做戲又好,其中一場戲要Gigi自由發揮畀反應,佢做咗個意思不到嘅反應,我入行做咗咁多年,都



識睇人,佢前途無可限量,雖然佢一出道就咁多人讚,但佢唔似其他人會飄飄然,佢好謙虛,反映屋企好,對佢真係驚為天人,好想同佢再合作,我同佢講,叫佢同公司要求得開就過嚟玩幾集。」

滕麗名(阿滕)與呂慧儀亦大讚Gigi表現,呂慧儀指整個「熊家」同Gigi一起拍了兩日戲,覺得她淡定及醒目。阿滕說:「Gigi學嘢好快,第一日佢穿平底鞋,但第二日佢同袁文傑開工,即刻着咗高跟鞋,因為袁文傑好高,企喺佢隔離唔着咁高就會淹沒人群中,要做漆黑螢火蟲。」兩人又希望之後有更多《聲夢》歌手以及《中年好聲音》歌手客串。

昨日冬至,阿滕表示剛好早收工,要回家煮飯,並笑說:「八個一湯,真係煮到天光。」試過阿滕手勢的呂慧儀亦大讚,問到佢同樣身為主婦,又可有下廚?她坦言:「我只係煮畀小朋友食,小朋友好容易安撫。」阿滕就指呂慧儀有次整飯團整多了,便帶了兩個飯團給她和丹爺食,丹爺食了一啖就強顏歡笑,而她就覺得飯團好硬不夠黏,呂慧儀即澄清飯團是工人姐姐整的,可能是用了泰國米煮才不會不夠黏。



◆昨日冬至,《愛·回家之開心速遞》一班演員即場食湯丸應節。

## 李思林獻唱《明星》送給胞妹李玟



◆李思林唱出《明星》,希望一直可以做妹妹的星星。

香港文匯報訊 李玟胞姐李思林、陳欣健女兒陳早怡及鄭文珣老公應德榮將於無線綜藝歌唱真人騷《中年好聲音》最新一集登場。李思林選唱《明星》,並透露這是妹妹李玟最愛的一首歌:「CoCo(李玟)開演唱會永遠都會唱呢隻歌,因為佢從來冇見過爸爸,佢唱呢首歌就好似同爸爸講:『我哋家喺台上表演喇。』」思林更特意改了部分歌詞,藉此向妹妹盡訴心中情,思林哽咽唱道:「我哋細個好艱難,成日見唔到媽媽,因為佢要搵食養大三個小朋友。我哋遭人白眼時都會一齊望住嗰顆星星,今次揀呢首歌,係想話畀佢(李玟)聽,我想做佢嘅星星。」

現年46歲的陳早怡則自封「高敏」人士,她接受製作組訪問時透露:「我個人好易唔開心、好自卑,覺得自己唔係好適合唱歌同幕前工作,屋企人都知我性格好敏感,都擔心我承受唔到負評,但係爸爸任何情況都只係同我講『I Love You』、『I Support You』,好多謝佢嘅關心。」早怡獻唱莫文蔚的《愛》,獲肥媽稱讚唱得有感情。52歲的應德榮則獻唱陳曉東的《這種年紀》,歌曲作曲者正是評審之一的伍仲衡。



◆陳早怡感謝爸爸陳欣健無時無刻全力支持她。



◆應德榮是藝人鄭文珣的老公。

## 陳柏宇留起聖誕禮物 怕令女兒追求物質

香港文匯報訊(記者 梁靜儀)陳柏宇(Jason)、黃妍及彭家麗昨日到將軍澳電視城為《勁歌金曲》錄影。昨日是冬至,Jason表示錄影完之後晚上還要開Live,希望在開工前抽時間回家,跟家人食盆菜做節再去開工,否則就邊食邊等。

快將再做爸爸的Jason,其太太傅曉薇預產期在明年3月,他表示太太懷孕後都少了煮飯,不過相信太太生產完之後都會變返個「超人」。至於聖誕節他亦要開工,但已買了禮物給女兒,不過就沒有帶回家只放在車尾箱,他笑說:「要睇下個女今年多唔多禮物,如果多就留返下一年,因為唔想個女太物質,至於太太就有預備禮物,不過之前太太生日都有送禮物,只不過係佢買完之後畀我錢,咁就一定買到佢鍾意嘅嘢。」他謂原本平安夜相約了太太的一班媽媽朋友開派對,但因當中有人確診新冠只好取消。



◆陳柏宇

## 林明禎帶媽咪 坐昂坪360全景纜車



◆林明禎難得與媽咪一齊開工。

香港文匯報訊 有「大馬女神」之稱的林明禎日前帶同媽媽一齊為昂坪360拍攝廣告。林明禎寓工作於娛樂心情大好,不時擺甫士自拍,還自曝是纜車迷:「今次係我第一次坐昂坪360纜車,不過如果去海外旅行,纜車係我指定嘅景點,所以一聽到話為呢度拍攝宣傳片,可以搭幾係係全透明嘅車廂覺得好特別,我就話點都要接呢個job。呢日同媽咪一齊開工,佢都玩得好好開心,我見媽媽都影咗好多相,所以計劃連嚟帶埋家姐同細佬再來多次,當作係家庭旅行。」

由於纜車四面及底部均由全透明強化玻璃製造,明禎起初以為自己會長高,豈料她因掛住睇風景而唔記得驚:「搭纜車沿途有山有水,所以掛住睇風景記得驚,仲同媽咪嘅車廂周圍自拍!其實我自拍都有秘技,就係影好多張相,影到自己滿意為止,再慢慢刪去唔好睇嘅照片,不過有人幫我影就更好!所以如果男仔識幫女仔影相,係會加好多分,大家記得追女仔前要先進進攝影技巧。」

聖誕節在即,明禎渴望放假與家人共度:「今年聖誕要留港工作,所以好懷念未入行之前跟家人開Party、看看燈飾的時候!我已經準備好禮物送給他們,始終我工作較忙,平常少時間陪媽媽,要好好報答她。」

### 申請酒牌續期公告 Ben Ben Kitchen

現特通告:黃小冰其地址為新界大埔南盛街16號南盛大樓地下第1號舖,現向酒牌局申請位於新界大埔南盛街16號南盛大樓地下第1號舖Ben Ben Kitchen的酒牌續期。凡反對是項申請者,請於此公告刊登之日起十四天內,將已簽署及申明理由之反對書,寄交新界大埔鄉事會街8號大埔綜合大樓4字樓酒牌局秘書處。

日期:2022年12月23日

### NOTICE ON APPLICATION FOR RENEWAL OF LIQUOR LICENCE Ben Ben Kitchen

Notice is hereby given that Wong Siu Ping of Shop No. 1, G/F, Nam Shing Mansion, 16 Nam Shing Street, Tai Po, New Territories is applying to the Liquor Licensing Board for renewal of the Liquor Licence in respect of Ben Ben Kitchen situated at Shop No. 1, G/F, Nam Shing Mansion, 16 Nam Shing Street, Tai Po, New Territories. Any person having any objection to this application should send a signed written objection, stating the grounds therefor, to the Secretary, Liquor Licensing Board, 4/F, Tai Po Complex, No. 8 Heung Sze Wui Street, Tai Po, New Territories within 14 days from the date of this notice.

Date: 23rd December 2022

### 申請酒牌修訂公告 鮫石

現特通告:郭志輝其地址為九龍尖沙咀寶勒巷1號玫瑰大廈地下E及F1號舖,現向酒牌局申請位於九龍尖沙咀寶勒巷1號玫瑰大廈地下E及F1號舖樂越的酒精牌作出以下修訂:店號名稱更改為鮫石。凡反對是項申請者,請於此公告刊登之日起十四天內,將已簽署及申明理由之反對書,寄交九龍深水埗基隆街333號北河街市政大廈4字樓酒牌局秘書處。

日期:2022年12月23日

### NOTICE ON APPLICATION FOR AMENDMENT(S) OF LIQUOR LICENCE SUSHI ISHI

Notice is hereby given that Kwok Chi Fai of Shop E & Portion 1 of Shop F, G/F, Rose Mansion, No. 1 Prat Avenue, Tsim Sha Tsui, Kowloon is applying to the Liquor Licensing Board for the following amendment(s) of the Liquor Licence in respect of PHO-TASTIC situated at Shop E & Portion 1 of Shop F, G/F, Rose Mansion, No. 1 Prat Avenue, Tsim Sha Tsui, Kowloon: Change the shop sign to SUSHI ISHI. Any person having any objection to this application should send a signed written objection, stating the grounds therefor, to the Secretary, Liquor Licensing Board, 4/F, Pei Ho Street Municipal Services Building, 333 Ki Lung Street, Shamshuipo, Kowloon within 14 days from the date of this notice.

Date: 23rd December 2022

### 申請酒牌續期公告 湖越

現特通告:蔡民偉其地址為新界大埔大美督村47E 1樓,現向酒牌局申請位於新界大埔美督村第28約地段第703號餘段及第712號餘段大尾督村47D號地下湖越的酒精牌續期,其附加批註為餐廳。凡反對是項申請者,請於此公告刊登之日起十四天內,將已簽署及申明理由之反對書,寄交新界大埔鄉事會街8號大埔綜合大樓4字樓酒牌局秘書處。

日期:2022年12月23日

### NOTICE ON APPLICATION FOR RENEWAL OF LIQUOR LICENCE LAKE VIETNAM

Notice is hereby given that Choy Man Wai Mathew of 1/F, 47E, Tai Mei Tuk Chuen, Tai Po, New Territories is applying to the Liquor Licensing Board for renewal of the Liquor Licence in respect of LAKE VIETNAM situated at G/F, 47D Tai Mei Tuk Village, Lot 703 RP And 712 RP In DD28, Tai Po, New Territories with endorsement of restaurant. Any person having any objection to this application should send a signed written objection, stating the grounds therefor, to the Secretary, Liquor Licensing Board, 4/F, Tai Po Complex, No. 8 Heung Sze Wui Street, Tai Po, New Territories within 14 days from the date of this notice.

Date: 23rd December 2022